

mus, qui numerus primus est, ipsum in duobus aequalia diuiserimus, manifestum est, ipsius partem alteram unitatem esse & existere, quæ si binario addere volueris, Ternarius inde proueniet. Si uero Binarium duplicare volueris, Quaternarius inde nascetur, cui Quaternario si unitatem addideris, quinarium tibi producet. Si uero eidem Trinarium iterum addideris, Septenarium inde recipies, cui unitate superaddita Octonarium tibi procreabit. Cui iterum unitatem addendo Nouenarium reperies. Si uero Binarium, Denarium tibi Numerum procreabit. Eo quoque modo Centenarii ex Denariis, Millenarii ex Centenariis numeris procreantur. Vna uero die vocauit me Magister meus Bellonus Philosophus, & dixit mihi: Eia Fili, spero te hominem esse specialis intellectus, & etiam quod poteris pertingere ad gaudium supremum sapientiæ. Interrogabo te ergo, & tu responde mihi. Et dixi ei: Eia Pater misericors, & Magister honorande, interroga discipulum, & ego, prout potero, respondebo tibi; Et dixit: In quot contraria diuiduntur omnia? Et dixi: In quatuor. Et ille: Quæ sunt illa quatuor? Simplex, & simplex de simplici, & Compositum de simplici, & compositum de composito. Et dixit: Quod istorum est primum? Et dixi: Simplex. Et ait: Quod est illud Simplex? Et dixi: Duæ naturæ primæ, quarum una agit, & alia patitur. Et ait: Quæ sunt illæ duæ naturæ? Et dixi: Prima earum est natura caloris, & secunda frigiditatis; sed natura caloris est actiua, frigoris uero passiuæ. Et dixit: Quid est post simplex? Et dixi: Simplex de simplici. Et dixit: Quid est illud? Et dixi: Natura caloris & natura humiditatis, & natura frigiditatis & natura siccitatis. Et ait: Quomodo generantur istæ naturæ? Et dixi: Creator omnium in principio absque sermonis prolatione dixit: Sit creatura talis: Postea creata est creatura, quæ nec magna nec parua, nec subtilis nec grossa, nec mouens, nec quiescens dici potuit, nec alia quacunque determinatione determinari, nec rei cuiuslibet assimilari. In qua quidem principaliter omnia extiterunt, quæ ut ad actum reducerentur, creauit creaturam secundam, quam Lucem appellare decreuit. Hæc autem Lux Sphæra quadam creaturam primam intra sui concauitatem continebat. Huius uero naturæ, id est, creaturæ natura, aut creatura erat caloris & motus, unde patet, primam esse frigiditatis & status. Et quia ut illæ erant ad inuicem approximata, percussit calor frigiditatem, & constrinxit se frigiditas condensando seipsam: Et quia de natura caloris & cuiuslibet subtilis est penetrare, penetrauit calor usque ad centrum frigiditatis: Et quia cuiuslibet rei finis est eius contrarium, motui autem opponitur tam motus quam quies: Ideoque motui illi, qui fuit ad centrum

sue